



Neviim (prophètes) - Isaïe

Chapter 40

- 40,1 נחמו נחמו, עמי--יאמר, אלהיכם.
- 40,2 דברו על-לב ירושלים, וקראו אליה--כי מלאה צבאה, כי נרצה עונה: כי לקחה מיד יהוה, כפלים בכל-חטאתיה. {ס}
- 40,3 קול קורא--במדבר, פנו דרך יהוה; ישרו, בערבה, מסלה, לאלהינו.
- 40,4 כל-גיא, ונשא, וכל-הר וגבעה, ישפלו; והיה העקב למישור, והרכסים לבקעה.
- 40,5 ונגלה, כבוד יהוה; וראו כל-בשר יחדו, כי פי יהוה דבר. {פ}
- 40,6 קול אמר קרא, ואמר מה אקרא; כל-הבשר חציר, וכל-חסדו כציץ השדה.
- 40,7 יבש חציר ובל ציץ, כי רוח יהוה נשבה בו; אכן חציר, העם.
- 40,8 יבש חציר, ובל ציץ; ודבר-אלהינו, יקום לעולם. {ס}
- 40,9 על-הר-גבה עלי-לך, מבשרת ציון, הרימי בכם קולך, מבשרת ירושלים; הרימי, אל-תיכאי, אמרי לערי יהודה, הנה אלהיכם.
- 40,10 הנה אדני יהוה בתזק יבוא, וזרעו משלה לו; הנה שכרו אתו, ופעלתו לפנוי.
- 40,11 ברעה, עדרו ירעה, בזרעו יקבץ טלאים, ובחיקו ישא; עלות, ינהל. {ס}
- 40,12 מי-מדד בשעלו מים, ושמים בזרת תכן, וכל בשלש, עפר הארץ; ושקל בפלס הרים, וגבעות במאזנים.
- 40,13 מי-תכן את-רוח, יהוה; ואיש, עצתו יודיענו.
- 40,14 את-מי נועץ ויבינהו, וילמדהו בארח משפט; וילמדהו דעת, ודרך תבונות יודיענו.
- 40,15 הן גוים כמר מדלי, וכשחק מאזנים נחשבו; הן איים, כדק יטול.
- 40,16 ולבנון, אין די בער; ופיתו--אין די, עולה. {פ}
- 40,17 כל-הגוים, כאין נגדו; מאפס ותהו, נחשבו-לו.
- 40,18 ואל-מי, תדמיון אל; ומה-דמות, תערכו לו.
- 40,19 הפסל וסן חרש, וצרף בזהב ירקענו; ורתקות כסף, צורף.
- 40,20 המסכן תרומה, עץ לא-ירקב יבחר; חרש חכם יבקש-לו, להכין פסל לא ימוט. {ס}
- 40,21 הלוא תדעו הלוא תשמעו, הלוא הגד מראש לכם; הלוא, הבינותם, מוסדות, הארץ.
- 40,22 הישב על-חוג הארץ, וישביה כחגבים; הנוטה כדק שמים, וימתחם כאהל לשבת.
- 40,23 הנותן רוזנים, לאין; שפטי ארץ, בתהו עשה.
- 40,24 אף בל-נטעו, אף בל-זרעו--אף בל-שרש בארץ, גזעם; וגם-נשף בהם ויבשו, וסערה כקש תשאם. {ס}
- 40,25 ואל-מי תדמיוני, ואשׁוה--יאמר, קדוש.
- 40,26 שאו-מרום עיניכם וראו מי-ברא אלה, המוציא במספר צבאם; לכלם, בשם יקרא, מרב אונים ואמיץ כח, איש לא נעדר. {ס}
- 40,27 למה תאמר יעקב, ותדבר ישׁראל: בסתרה דרכי מיהוה, ומאליהי משפטי יעבור.
- 40,28 הלוא ידעת אם-לא שמעת, אלהי עולם יהוה בורא קצות הארץ--לא ייעף, ולא ייגע: אין חקר, לתבונתו.
- 40,29 נתן ליעף, כח; ולאין אונים, עצמה ירבה.
- 40,30 ויעפו גערים, ויגעו; ויבחרים, כשול יכשלו.
- 40,31 וקני יהוה יסליפו כח, יעלו אבר בגשרים; יהוצו ולא ייגעו, ולכו ולא ייעפו. {ס}